

Lucha formal pa titulo di Roadmarch

ORANJESTAD(AAN): Kende lo titula Rey di Roadmarch e aña aki? Esaki sigur ningun hende por bisa pasobra a pesar cu **Mighty Talent**

a move e publico for di comienzo cu su "Wave It", awe nochí por spera cu e lo tin momentonan difícil pa pasaden prome cu decision final

cay. Ayera y awe e diferente agrupacionnan musical y e cantantenan clasifica a haya oportunidad pa "polish" nan

cancion, hinca algo nobo aden, saca algo for di dje, pa awe nochí haya un impacto mas grandi riba publico y hurado.

Mighty Talent tambe lo ta haciendo igual cu su roadmarch.

E cambianan aki por sea yuda e cancion of lo por perhudike, sin embargo loke ta ser scucha awe nochí como roadmarch di mayoria di e cantantenan lo ta e mes roadmarch, pero cu ahustacionnan.

Como cu e ahustacionnan ta keda un incognito, no por bisa adelanta caba cual sigur lo gana e concurso.

Ta ser spera cu **Long Roy** lo ahusta su "Party Truck" y presente mas fuerte.

Robert y su **Doble Sabor**, sigur lo traha riba e paradanan, y mambonan pa "Mighty Ozzie" y pa "Zig zag Dip'n" di **Larry Hoo**.

Esaki ta un di e roadmarchnan cu lo por sorprende ainda.

Macamba King sigur tambe lo bin bon ahusta despues cu a ripara kico tur e otronan tin.

E cancion cu awe nochí lo sali riba escenario como gran favorito fuera di "Wave It" pa su impacto, ta "Chicken Head" di **Dito Rogers** cu **Choeps**. E roadmarch aki tin su popularidad caba y ta entre e cuater pa cinco favoritonan cu entre otro "Baricade" di **Rusty** cu **Climax**.

Como sorpresanan pa por cay den premiacion, ta ser mira **Wash Wash** di **Mighty Dancer** cu **TIGO**, tambe "Home sweet home" di **Chicho Kock** cu ahustacion pa mehoracion, mientras cu den e premiacion lo por sorprende tambe e "Red Hat" di **Hendrik Tevreden**.

Machinnan cu ta tarda concursonanan

ORANJESTAD(AAN): Sigur ta cu si e "timekeeper" a tene su tempo di preparacion exactamente na 4 minuut pa bandanan musical prepara riba escenario pa concurso di Roadmarch y di Calypso, 90 por ciento di e bandanan lo mester a perde punto pasobra e "Sequencernan" y otro aparatonan cu ta ser conecta y prepara riba escenario ta kita basta tempo y esaki ta trece mayoria di tardanza. Preparacion di Keyboard (piano) y tambe guitarra y baho sa tuma poco tempo debi na e conexionnan, pero hopi menos cu e "ma-

chinenan" Si logra awe nochí cu e tecniconan di e diferente gruponan musical haya nan caminda mas facil den e labirinto di wayanan riba escenario, posibilidad ta grandi cu e bandanan lo por prepara nan "sequencer" poco mas rapido, locual ta ser spera

tambe. Mester menciona sin embargo, cu e musiconan di tur banda cu no sa tin ningun clase di problema cu nan pa preparacion ta percusionistanan cu semper ta cla y na nan lugar (nan no tin equipo pa stem special tampoco) y e trompetistanan, saxophonis-

tanan y trombonistanan. E ultimo grupo aki, "brass" ta stem nan instrumento entre nan mes, y den un rato ta prepara pa cumenza toca. Segun **Miki Gravenhorst** cu ta coordina escenario y bandanan tras di stage, awe nochí lo ta mas estricto riba rapidez y cu e ta spera cu e cooperacion di musiconan lo ta mescos cu e prome dos anochinan, semper cla pa subi escenario ora yama nan y dirigi nan pa nan lugar di espera.

Pueblo a yora Boy King y a corona Boysie Croes

ORANJESTAD(AAN): Masha comentario tabata tin ayera riba e hecho cu **Boysie Croes** no a clasifica cu "Boy King" pa final di roadmarch awe nochí.

E ritmo di e roadmarch aki sigur ta masha pegahoso cu e coro di "Boysie Jam", combina cu e yodel di **Boysie**. Locual si tabata pisa hopi riba e decision di jurado tabata cu e aporte di **Boysie** mes cu su cantamento tabata minimo. E coro a canta cas henter e cantica ripitiendo e "Boysie Jam", mientras cu entre esakinan tabata tin e yodel cu den vez en cuanto **Boysie** a canta un frase, y esaki aparentemente lo a perhudica **Boysie** cu pa prome biaha tabata hopi nervioso, y masha emocionan pa e acogido cu e publico a dune for di momento cu el a subi escenario. E acogida aki pa **Boysie**

tabata su "Premio" y e comentarionan cu tabata tin riba "Boy King" ayera a duna e premio aki mas balor ainda, pasobra **Boysie** a logra e "e premiacion di pueblo". Ta di lamenta cu e no a cay den clasificacion, y tanto **Boysie** como integrantenan di **Quasi**, sigur sa cu e lo no a logra pa motibo di e stipulacionnan pa huzgamento cu ta diferencia grandi pa locual ta e "acogido publico". **Boysie Croes** awe sigur no ta desapunta. E mester ta feliz cu a pesar di no a logra clasifica, el a haya e pueblo como apoyo y sosten fuerte pa kizas su cancion resulta un di e exitonan grandi durante e parada aki, hunto cu e cancion cu lo ser premia awe nochí. Bunita lo ta pa awe nochí **Boysie** presenta cu **Quasi** y dune su publico e **King Boy** cu nan ta sperando pa tende live un biaha mas.

Bida

"Nos tin un buki pa cada gusto..... pa dibo tambe!"

"Bukinan cu a caba di yega den nos seccion di buki:"

- Dr. Atkins new diet revolution
- De weg naar het succes
- De meesters van het verre Oosten
- Acompaña pa un angel
- Peaceful transition
- Accelerated learning
- Bacchanal

"Obtenibel na Bida Department Store"
Hendrikstraat 8 Tel: 831271